

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0051245 23
Zenica, 04.10.2023. godine

OPĆINSKOM SUDU U KAKNJU

Na osnovu člana 45. stav 2. tačka i) u vezi sa članom 241. Zakona o krivičnom postupku F BiH, p o d i ž e m

O P T U Ž N I C U

Protiv,

Milošević Srđana zv.“Mišo“, rođen 1995. godine u Valjevu, Republika Srbija,

što je,

dana 31.08.2022. godine u mjestu Donji Lučani, u Kaknju, doveo u zabludu nadležni policijski organ, na način da je, nakon što su ga policijski službenici PS Kakanj, S. S. i A. A., zaustavili radi redovne kontrole njega kao vozača putničkog motornog vozila kojim je upravljao marke „Golf“ reg.oznaka ..., pa kada su utvrdili da isti nije posjedovao bilo kakve identifikacione dokumente i da je upravljao neregistrovanim vozilom, navedeni policijski službenici našli su da je počinio prekršaje iz člana 239. stav 1. tačka 28. i 234. stav 1. i 2. tačka 8. ZOBS BiH za što su mu izdali prekršajni nalog broj ... na ime Š. A., jer se on predstavio kao Š. A. i usmeno izjavio da je to on, nakon čega je istog dana po nalogu navedenih policijskih službenika pristupio u službene prostorije PS Kakanj zbog identifikacije istog na osnovu službene evidencije IDDEEA, gdje je tom prilikom na prethodno pitanje policijskog službenika da da svoje lične podatke, tačnije ime i prezime, ime oca, datum rođenja i mjesto stanovanja, isti izjavio identifikacione podatke: Š. A. sin ...rođen ... godine, nastanjen na adresi ..., te potpisao navedeni prekršajni nalog imenom Š.A., u rubrici „prihvatam odgovornosti za prekršaj opisan u ovom prekršajnom nalogu i odričem se prava na sudsko odlučivanje. Potpis okrivljenog“, iako je znao i bio svjestan da to nisu njegovi lični podaci, odnosno da je policijskim službenicima dao netačne lične podatke te potpisao ime Š. A. i da će zbog njegovog takvog postupanja Š. A. biti prekršajno kažnjen, što je i htio, nakon čega je od strane nadležnog organa prihvatajući navedene podatke kao istinite, pokrenut prekršajni postupak protiv Š. A. na način da je izdat navedeni prekršajni nalog, te je istom od strane MUP-a Tuzlanskog kantona dostavljen poziv broj ... od 14.10.2022. godine kojim se isti poziva da pristupi u policijske prostorije radi deponovanja vozačke dozvole, nakon čega je A. prijavio navedeni događaj nadležnim organima,

dakle, doveo u zabludu nadležni organ da ovjeri u javnoj ispravi štogod neistinito, što treba služiti kao dokaz u pravnom prometu,

čime je počinio krivično djelo „Ovjeravanje neistinitog sadržaja“ iz člana 375. stav 1. KZ F BiH.

.